



UNIVERSITÄTS-  
BIBLIOTHEK  
PADERBORN

## **Synopsis Annalium Societatis Jesu In Lusitania**

**Francus, Antonius**

**Augustæ-Vindellicorum, M. DCC XXVI.**

Christo Rerum omnium Domino, ac Deo Supremo De Cruse suspenso.

---

[urn:nbn:de:hbz:466:1-72313](https://nbn-resolving.org/urn:nbn:de:hbz:466:1-72313)



CHRISTO  
 Rerum omnium Domino,  
 ac  
 DEO Supremo  
 De Cruce suspenso.

**Q**uam non est, mi Rex dolorum, ac tormentorum patientissimè, ut detur luci aliquid laboris mei, quod non prodeat Tuo Nomini, ac Numini consecratum. Hanc vitam, quam unicè Tibi debeo, indulxisti mihi non solum communi cæteris mortalibus beneficio, sed singulari dono, cum iniquissimi ficarii petitus ferro tantum non effudi animam, non meâ, sed tuâ innocentiam me tutante. Ferebam tui de cruce pendens simulacrum intra vestem occultum: quod mihi scutum fuit inexpugnabile, ne ictibus proditoris percussus occumberem. Ex eo tempore Te de crucis patibulo pendentem elegi rebus meis singulare numen, præsidium, & dulce decus. Idem piissimum

## DEDICATIO.

mum simulacrum tanquam monumentum perenne præ oculis habeo in cella, idem gesto appressum pectori, cum itinera suscipio: ut ubique mihi mundi mare naviganti sis pharus accensa, quam ne meis sceleribus patiaris extingui, etiam, atque etiam oro. Excipe, & intuere placidissimis oculis, Rex benevolentissime, hoc quale quale obsequium: tenuissimum fateor. Verum illud mihi animos facit, quod à servo vilissimo nullus Dominus potentissimus donum, quod se deceat, expectet; solum attendens, quid possit servi tenuitas. Compendium offero rerum omnium, quas tua Societas Lusitana sub tuis auspiciis feliciter est aggressa ab annis octoginta quinque supra centum. Obitus illustres, & facta illustria tuæ Societatis filiorum continet hujusmodi donarium. Unde Tibi non nostra, sed tua sistimus: similes illis, quos locupletant ampli Reges, qui gratum adversus Principem ostensuri animum, ex ipsis, quas acceperunt, divitiis honorarium adornant Regi præsentandum. Fac, Domine mi, ut, quidquid egero, & scripsero, tuæ sit augendæ gloriæ consonum, tuæ crucis vexillo magis explicando idoneum, tuis sanctissimis plagis illustrandis aptissimum.

### Minimus Tuæ minimæ Societatis

Antonius Franco.

X 3

Præ-